

Il Segner, Jesus Cristus, turna en curt enavos sin terra. Quai è in'empermischun, la quala El sez ha fatg, cura ch'El viveva avant 2000 onns anc sin quest mund (Gion 14:1-3). Co pudain nus esser dal tuttafatg segirs ch'El returna vairamain in di? Legiai las profezas, las qualas il Segner, Jesus Cristus, sez ha fatg concernent la fin da quest mund. Ina seriusa lectura da questas scrittiras, cumparegiond cun ils eveniments che capitàn gia ozendi sin quest mund, cumprovan ch'il Segner, Jesus Cristus, vegn a turnar enavos sin questa terra anc durant nossa vita.

1 DESTRUCZIUN DAL TEMPEL

Lura ha Jesus bandunà il tempel ed in da Ses giuvnals è Sa vulvì vers El ed ha mussà ad El ils edifizis dal tempel e ditg: Mussader, mira questa bella crappa che embellescha ils bajetgs qua. E Jesus ha ditg ad els: En vardad, jau di a vus, qua na vegn betg in crap a restar in sin l'auter; tut vegn destrui cumplettamain (Matteus 24:1-2; Marcus 13:1-2; Lucas 21:5-6). **E quai è vairamain as cumplenì 70 onns s.Cr.**

2 ENSAINAS DA SES RETURN

Cura ch'El seseva sin il Culm da las Ulivas, visavi il tempel, èn ils giuvnals Petrus, Giachen, Gion ed Andreas vegnids tar Jesus ed han tschentà la dumonda: Mussader, di a nus, cura vegnan quests eveniments a succeder? E tge vegn ad esser l'ensaina da Tes return e da la fin dal mund? (Matteus 24:3; Marcus 13:3-4; Lucas 21:7).

3 SURMANADERS VEGNAN A VEGNIR

Jesus ha respondi e ditg ad els: Sajas attents che nagin na surmainia vus. Bliers vegnan a vegnir en Mes num e dir: Jau sun il Messias. E bliers vegnan a vegnir e surmanar. Ord quest motiv na suandai betg els (Matteus 24:4-5; Marcus 13:5-6; Lucas 21:8).

4 GUERRAS E TUNAS DA GUERRA

E sche vus udis da guerras e privels da guerra; n'as laschai betg starmentar, quai tut sto succeder uschia! Quai n'è dentant anc betg la fin (Matteus 24:6; Marcus 13:7; Lucas 21:9).

5 GUERRAS TRANTER PIEVELS | TERRATREMBELS | FOMAZS | MALSOGNAS

Ed El ha ditg ad els: In pievel vegn a sa rebellà cunter in auter pievel ed in reginavel vegn a s'auzar cunter in auter reginavel. La terra vegn tschiffada da grond terratrembels, da fomazs e malsognas; ed i vegn a dar fenomens da sgarschur e grondas ensainas giu da tschiel (Matteus 24:7; Marcus 13:8; Lucas 21:10-11).

6 Quai è dentant mo il cumenzament da las deglias (Matteus 24:8; Marcus 13:8).

7 PERSECUZIUN DALS CRISTIANS

Faschai atenziun vus sez! Avant che quests eveniments vegnan a succeder, vegnis vus arrestads e surdads a las dretgiras, vus vegnis bastunads en las sinagogas e mess en praschun e mulestads e mazzads. E vus vegnis manads, pervia da Mai, avant retgs e guvernatur. E quai vegn ad esser ina chaschun da dar perditga da Mai (Matteus 24:9; Marcus 13:9; Lucas 21:12-13).

8 E sche vus vegnis arrestads e manads davant tribunals, na faschai betg quitads gia ordavant tge dir u tge responder. Schai quai che vegn dà en a vus quest mument. Pertge che betg vus pledais, mabain il Sontg Spiert. Jau vi dar a vus la sabientscha. Tut voss accusaders na vegnan betg ad esser capabels da cuntradir u far opposiziun (Marcus 13:11; Lucas 21:14-15).

9 TRADIMENT EN L'ATGNA FAMILIA

E lura vegnan bliers a vegnir tradids, persequitads e mazzads. In frar vegn a surdar l'agen frar a la mort; in bab ses uffant, amis e parents; ed uffants vegnan a sa rebellà cunter lur geniturs e procurar ch'els vegnian condemnads a la mort. E vus vegnis odiads da tuts pervia da Mes num. Dentant gnanc in chavel da voss chau na duai ir a perder. Cun

esser perseverants vegnis vus da gudagnar la vita per vus (Matteus 24:9-10; Marcus 13:12-13; Lucas 21:16-19).

10 L'AMUR VEGN A SA SFRADAR

Damai che la nauschadad da bliers vegn a prender suramaun, vegn l'amur a sa sfradar en l'intern. Tgi che vegn dentant a tegnair la dira fin la fin, vegn spendrà (Matteus 24:12-13).

11 E quest **EVANGELI DAL REGINAVEL DA DIEU** sto l'emprim vegnir predegia sin l'entir mund sco perditga a tut ils pievels e **lura** vegn la fin ad esser qua (Matteus 24:14; Marcus 13:10).

12 SGARSCHUR DA DEVASTAZIUN

Sche vus vesais co che Jerusalem è tschinclà dad in'armada, lura pudais esser segirs che la devastaziun da la citad è qua (Lucas 21:20). Perquai: Sche vus vesais *la sgarschur da devastaziun*, annunziata dal profet Daniel, a star en il sontg lieu (tgi che legia quai, duai savair chapir la muntada), lura laschai fugir en ils culms quels che sa chattan en Giudea. E tgi ch'è en la citad, duai bandunar ella, e tgi ch'è sin la terra, na duai betg tschertgar protecziun en la citad. E quel ch'è sin tetg, na duai betg descender e vegnir en chasa per tschertgar insatge che sa chatta là. E tal ch'è sin il funs, na duai betg returnar a chasa per prender sia vestgadira (Matteus 24:15-18; Marcus 13:14-16; Lucas 17:31; 21:21). Povras las dunnas ch'èn en speranza u che han da tezzar uffants. Urai che vus na stoppias betg fugir l'enviern u il di dal Sabat (Matteus 24:19-20; Marcus 13:17-18; Lucas 21:23). Els vegnan mazzads tras la spada u manai davent sco praschuniers en auters pajais. E Jerusalem vegn zappitschà tras Pajauns fin che lur temp è spirà (Lucas 21:24).

13 SGARSCHUR DURANT IL TEMP DA JACOB (Jer 30:6-7)

I vegn a reger *quels dis* ina tala miseria e tristezza sco quai ch'i n'ha anc mai dà dapi il cumenzament dal munt fin oz e ch'i vegn mai pli a dar. E sche Dieu n'avess betg scursani quest temp, n'avess nagin uman survivì. Mo per l'amur dals umans, elegids tras el, ha El decidì da far fin a quels dis (Matteus 24:21-22; Marcus 13:19-20; Lucas 21:23). Mo quai è lura il mument da vendetga; lura vegn tut quai che stat scrit a sa cumplenir (Lucas 21:22).

14 FAUSS CRISTUS E PROFETS

Sch'insatgi di a tai: *Guarda, qua è Cristus, guarda, El è là!* Na crai betg! Pertge che fauss Cristus e faus profets vegnan a s'auzar e demonstrar pussanza e far miraclas ed uschia empruvar da schizunt surmanar ils elegids. Dentant faschai atenziun: Jau hai preditg quels eveniments (Matteus 24:23-24; Marcus 13:21-23). Gist perquai, sch'els din a vus: *Guardai, El è en il desert!*, n'as rendai betg quel lieu, u: *Guardai, El è en chasa!*, na crajai betg quai. Sco il chametg sclerescha ina part sut il tschiel davent da l'ost fin vers saira, uschia vegni ad esser, cura ch'il Figl da L'Uman vegn a returnar (Matteus 24:26-27; Lucas 17:23-24).

15 APPARIZIUNS AL FIRMAMENT

Immediat suenter *quest temp* da sgarschur vegn il sulegl a sa stgirentar, la glina na vegn betg pli a glischar e las stailas vegnan a crudar dal tschiel. E las pussanzas celestialas vegnan ad esser or da controlla (Matteus 24:29; Marcus 13:24-25; Lucas 21:25). E sin la terra vegn a reger miseria e perplexadad, la mar e las undas vegnan a sburflar, ils cors da l'umanità vegnan a snuir da la dolor, chaschunads dals eveniments, cun ils quals els vegnan a vegnir confruntads (Lucas 21:25-26).



16 Alura cumpara **L'ENSAINA DAL FIGL DA L'UMAN** al firmament ed en quest mument vegn l'entira umanità a sa lamentar e reclamar; ella vegn a vesair il Figl da L'Uman che descenda sin ils nivels dal tschiel, cun gronda pussanza e maiestusadad. Ed el vegn a trametter ses anghels cun il resun da las posaunas ed els vegnan a rimnar ils elegids che vivan en tut las direcziuns, d'ina fin dal tschiel fin a l'autra (Matteus 24:30-31; Marcus 13:26-27; Lucas 21:27).

17 En quest mument, cura che quels eveniments succedan, guardai ensi, auzai voss chaus, pertge che voss spendrament s'avischina (Lucas 21:28).

18 Ed El ha ditg: Guardai il figher e tut las plantas! Cura che las frastgas èn savurusas e la feglia chatscha, lura vesais e savais che la stad s'avischina. **Medemamain savais vus, cura che tut quai succeda, ch'il reginavel da Dieu è damanaivel** (Matteus 24:32-33; Marcus 13:28-29; Lucas 21:29-31). Dentant na sa nagin, cura che quel di u quella ura vegn ad esser, gnanc ils anghels en tschiel ed il Figl da Dieu; sulettamain il Bab en tschiel sa quai (Matteus 24:36; Marcus 13:32).

19 Sco quai ch'igl è sta durant ils **DIS DA NOA**, uschia vegn ad esser la vegnida dal Figl da l'Uman. Pertge che sco durant ils dis da diluvi, mangiavan e bevevan els, maridavan e vegnivan els maridads fin quel di, cura che Noa è i en l'arca e nagin n'ha realisà insatge, fin ch'il diluvi era qua ed ha raffà davent tuts. Uschia vegni ad esser, cura ch'il Figl da L'Uman vegn e sa mussar (Matteus 24:37-39; Lucas 17:26-27).

20 Uschia èsi era stà dal **TEMP DA LOT**: Els mangiavan, els bevevan, els cumpravon, els vendevan, els plantavan ed els construivan.

Dentant quel di che Lot ha bandunà Sodom, hai pluvi fieu e zulper da tschiel e mazzà tuts. Il medem vegn a capitar, cura ch'il Figl da l'Uman cumpara (Lucas 17:28-30).

21 As regurdai da la dunna da Lot. Tgi che emprova da spendrar sia vita, vegn a perder ella, e tgi che perda sia vita, vegn a salvar ella (Lucas 17:32-33).

22 Jau di a vus, *lezza notg* vegnan dus umans a giaschair en in letg; in vegn prendi si, l'auter vegn laschà enavos. Duas dunnas vegnan a mular ensemen; ina vegn recepida, l'autra betg. Dus umens vegnan ad esser sin il funs; in vegn acceptà e l'auter betg (Matteus 24:40-41; Lucas 17:34-36). Ed els han respundi e ditg ad el: "Nua, Segner?" Ed El ha ditg ad els: "Nua ch'il cadaver sa chatta, lé sa rimnan las evlas (Matteus 24:28; Lucas 17:37).

23 SAJAS VIGILANTS ED URAI CUNTINUANTAMAIN

Igl è sco in um che giess en in pajais ester; avant che bandunar sia atgna chasa ha el surdà la responsabladad a ses servients ed ha partì tiers a mintgin sia lavur. Al portaner ha el cumandà d'esser vigilants. Perquai sajas alerts, pertge che nagin na sa, cura ch'Il Segner – il patrun-chasa – returna; la saira, a mesanotg, cura ch'il cot chanta u la damaun; sinaquai ch'el na chattia vus betg en sien, sch'el vegn andetg e nunprevesidamain (Marcus 13:34-36).

24 Vus pudais esser segirs: Sch'il patrun-chasa avess savì ordavant, cura ch'il lader vegn, fiss el stà attent ed avess evità da laschar rumper en. Gist perquai as preparai, pertge ch'Il Figl da l'Uman vegn cura che nus na spitgain betg el (Mattiù 24:43-44).

25 As pertgirai d'ina vita negligenta cun surbaiver e surmangiar e na duvrai betg vossa energia per ils quitads da vossa vita da mintgadi, uschia che *quel Di* na tschiffi vus betg andetgamain sco in latsch. Sajas vigilants ed urai era senza chalar pertge che vus na savais betg cura che l'ura è qua. Autramain, sche vus n'essas betg preparads, vegnis vus ad esser sorprendids quel di sco da vegnir en il clauder (Marcus 13:33; Lucas 21:34-35).

26 E quai che Jau di a vus, di Jau a tuts: Sajas vigilants ed urai senza chalar, per che vus vegnias considerads degns e possias mitschar da tut quella miseria ed astgias cumparar davant il Figl da l'Uman (Lucas 21:36).

27 En vardad, jau di a vus: *Questa generaziun* na vegn betg a svanir fin che quels eveniments sa cumpleneschan. Tschiel e terra vegnan a svanir, Mes plets dentant vegnan a restar (Matteus 24:34-35; Marcus 13:30-31; Lucas 21:32-33).


Sesend sin Ses tron glorius, il Grond Retg – il Segner Jesus Cristus – turna gia fitg prest puspè, cun gronda pussanza e gloria, accompagnà da Ses anghels sontgs e da Ses Sontgs.

Temai Dieu e dai onur ad El, pertge che l'ura dal trument è arrivada; adurai El che ha fatg il tschiel e la terra, la mar e las funtaunas (Palentada 14:7)

IL TEMP NA SPETGA BETG PLI!

Il Reginavel dal Tschiel è manaiavel. Faschai penetienza e crajai a quel evangeli.

Sajas pront da scuntrar il Segner, tes Dieu!



L'evangeli Dal Reginavel Da Dieu

Watch online through www.angeltv.org

Guardai ANGEL TV
Satellite :Eurobird 9A @9°
Band :Ku
Downlink Frequency :11.919GHz
SymbolRate :27500Msps
FEC :3/4
Modulation :MPEG2
Polarization :Vertical

Local Contact Address